

Headline	TNB raih anugerah tertinggi APBSP 2023		
MediaTitle	Utusan Sarawak		
Date	22 Jan 2024	Language	Malay
Circulation	37,981	Readership	113,943
Section	EKONOMI	Page No	27
ArticleSize	282 cm ²	Journalist	N/A
PR Value	RM 7,883		



TNB raih anugerah tertinggi APBSP 2023

KUALA LUMPUR: Tenaga Nasional Bhd (TNB) meraih anugerah tertinggi pada Anugerah Penarafan Bintang Sasaran Penting (APBSP) 2023 untuk dedikasi yang kukuh terhadap keselamatan negara dan peralihan tenaga.

Menurut syarikat utiliti itu, pengiktirafan anugerah tertinggi 5 bintang kepada Pusat Kawalan Muatan Kuasa Nasional (NLDC) memperlihatkan kepakaran TNB dalam memastikan operasi pembekalan elektrik yang cekap selain kawalan keselamatan yang tinggi dan cemerlang bagi memastikan aset kritikal negara kekal selamat.

"Stesen Janakuasa Sultan Azlan Shah di Bersia, Perak serta substesen utama TNB di Bukit Tambun, Pulau Pinang dan Chuping, Perlis, masing-masing turut diiktiraf 5 bintang dan 4 bintang dalam anugerah yang sama," katanya dalam kenyataan semalam.

APBSP 2023 dianjurkan oleh Pejabat Ketua Pegawai Keselamatan Kerajaan (CGSO)

di bawah Jabatan Perdana Menteri (JPM).

Presiden dan Ketua Pegawai Eksekutif TNB Datuk Seri Baharin Din berkata syarikat akan sentiasa memantau keselamatan aset utama di seluruh negara dengan memberi keutamaan kepada keupayaan pencegahan, pengurusan insiden dan menangani risiko keselamatan yang semakin berkembang.

Beliau berkata NLDC memastikan keseimbangan antara pembekalan dan permintaan tenaga dengan mengekalkan pengurusan keselamatan dan perlindungan sentiasa di tahap yang tinggi. - Bernama



MENTERI Dalam Negeri, Datuk Seri Saifuddin Nasution Ismail menyampaikan anugerah tertinggi APBSP 2023 kepada Ketua Operator Sistem Grid (GSO) TNB, Ir. Shanmugam Thoppalan.